

3 აპრილი, 2020 წ.
1/105-2020

საქართველოს ოკუპირებული ტერიტორიებიდან დევნილთა,
შრომის, ჯანმრთელობისა და
სოციალური დაცვის მინისტრს
ქალბატონ ეკატერინე ტიკარაძეს

ქალბატონო ეკატერინე,

პირველ რიგში მინდა მადლობა გადაგიხადოთ პირადად თქვენ და მთელ თქვენს გუნდს ასეთ რთულ ვითარებაში დაუღალავი შრომისა და ახალი კორონავირუსის წინააღმდეგ ბრძოლის საკითხში.

ამასთან გაცნობებთ, რომ რამდენიმე დღის წინ, საქართველოს პრემიერ-მინისტრს გავუზავნეთ ევროკავშირი-საქართველოს ბიზნეს საბჭოს წინადადებათა პაკეტი კორონავირუსიდან გამომდინარე ეკონომიკური ზარალის მინიმალიზაციისა და ასევე ბიზნეს სექტორის მხარდამჭერი ღონისძიებების მიმართულებით. აღნიშნულ დოკუმენტში ერთ-ერთი უმნიშვნელოვანესი საკითხი ქვეყნისთვის სტრატეგიული მნიშვნელობის მედიკამენტების გარდა საქართველოდან მედიკამენტების ექსპორტის დაშვებაა.

როგორც მოგეხსენებათ ფარმაცევტული წარმოებები საქართველოში პრაქტიკულად 24 საათიან რეჟიმში მუშაობენ და მზად არიან შეუფერხებლად მიაწოდონ პროდუქცია როგორც ადგილობრივ, ასევე საექსპორტო ბაზრებს. მედიკამენტების ექსპორტის შეჩერებამ კი ფაქტიურად გაჩერების პირას მიიყვანა ბევრი წარმოება.

გასათვალისწინებელია ისიც, რომ საექსპორტო მედიკამენტების დიდი უმრავლესობა არ გამოიყენება კორონავირუსის წინააღმდეგ, ხოლო ჩვენს მწარმოებლებს აქვთ გარკვეული ვალდებულებები უცხოელ სავაჭრო პარტნიორების მიმართ. მაგლითისთვის მოვიყვანთ კონტრაქტს, თურქმენეთსა და ერთ-ერთ მწარმოებელს შორის, რომლის მიხედვითაც, მწარმოებელმა თურქმენეთს უნდა მიაწოდოს 200 000 კოლოფი კოკარბოქსილაზა 0.05 გ N5 ამპულა. იმპორტიორს თანხის ნაწილი ჩამორიცხული აქვს და ელოდება შესაბამისი პროდუქციის გადაზიდვას. ამ მედიკამენტის ექსპორტიც შეჩერებულია, მაშინ როცა ადგილობრივ ბაზარზე, ამ მედიკამენტის მოთხოვნა თვეში შეადგენს მაქსიმუმ 1000-1500 კოლოფს. მწარმოებელს, ჩვენი ქვეყნის საჭიროებისთვის დასაწყობებული აქვს 10 თვის მარაგი.

ყოველივე ზემოხსენებულიდან გამომდინარე, გთხოვთ თქვენს მხარდაჭერას, რათა სასწრაფოდ შემუშავდეს სია (ჩამონათვალი) და შესაბამისი კვლევები

Core Members




სტრატეგიული მედიკამენტებისა, რომლის საფუძველზეც განხორციელდება სხვა დანარჩენი მედიკამენტების ექსპორტი.

საჭიროების შემთხვევაში საქართველოს ფარმაცევტთა ასოციაცია გამოთქვამს მზადყოფნას ჩაერთოს სტრატეგიული მნიშვნელობის მედიკამენტების ჩამონათვალის და კვოტების შემუშავების საკითხში.

გთხოვთ დაავალოთ დარგის კურატორ მინისტრის მოადგილეს აღნიშნული საკითხის შეძლებისდაგვარად მოკლე ვადებში მოგვარება.

პატივისცემით,



ზვიად ჭუმბურიძე, ელჩი
გენერალური მდივანი

Core Members

